



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

9. Somni ratio.

[urn:nbn:de:hbz:466:1-68709](#)

IX. (i) De Somno facilis, Siracides c. 31. *Somnus sanitatis in homine parco. Dormiet usque manè, & anima illius delectabitur.* Nimis
sobrietas & temperantia breves ac jucundas faciunt dormientibus noctes.
Saturnitas autem divitis non sinit eum dormire. Ibid. Distentus enim da-
pibus & indigesto oneratus cibo venter, amaras cogitur vigilare noctes.
Hinc præceptum est Scholæ Medicorum Salernitanæ.

Ex longâ cœnâ stomacho fit maxima pœna:
Ut sis nocte levis, sit tibi cœna brevis.

Et Horatius,

corpus onustum
Hesternis vitiis, animum quoque prægravat unâ,
Atque affigit humo divinæ particulam auræ.

Ad somni jucunditatem facit etiam labor & exercitium: nam
fessos facilis sopor irrigat artus.

Ecclesiastes c. 5. *Dulcis est somnus operanti.* Sed hîc cavenda nimis
indulgentia. Monet Salomon Proverb. 19. *Pigredo immittit soporem: &*
anima dissoluta esuriet. Nimiō somnō membra languescent & enervan-
tūr. Deinde prolixior sopor non tantum corpus, sed etiam ingenium,
mentemque hebetat, & corruptit. Mantuanus canit:

pigros rubigine sensus
Otia corruptunt, sopitaque pectora torpor.

Addit Salomon loc. cit. *Et anima dissoluta esuriet.* Nam pigritia
parit soporem, sopor otium & inertiam, inertia penuriam & famem.

X. (k) Fingitur Somnus Erebo (inferno fluvio & Nocte matre ge-
nitus, cuius frater sit Lethum seu Mors: Sorores Lethe, ac Spes. Apud
Ælianum lib. 2. hist. c. 35. refert Pausanias, Olympiæ, urbe Thessaliæ,
visam à se statuam, Noctem, figura, habituque muliebri: hæc puerum al-
bum dormientem dextra tenebat, læva nigrum dormienti similem. Ho-
rum priorem appellari *Somnum*, alterum *Lethum*, utrumque *Noctis* esse fi-
lium. Homerus Iliad. 6.

Ενδ' ἡπτηριώ τοιούτῳ καστρυντῷ θάρετο.

Occurrit somno, qui Mortis frater habetur. Et Maro lib. 6.

Tum consanguineus Lethi sopor.

Et Seneca:

Frater duræ languide sortis.

Accinit Ovidius:

Stulte, quid est Somnus. gelidæ nisi mortis imago?

Unde

(i) *Somni ratio.* (k) *Somnus frater mortis.*

